



文山先生文集卷之六

詔管理書

與梅制幹



自去年滄浪使者歸米氏真帖又三四往多從景明便鴈來
 也河門窈深雲山千里騎黃鶴跨白鶴恨不得一日共君其間
 風流比與韶鈞交作長軸大冊一再寄意而不倦鬼神闕吾山數
 千百年今而後衣被雲錦草木澤光價益倍章之三十二詩
 四時朝暮之變皆有其象獨以一詩當一境則有不相似者混
 為顆珠瓊作一片圖畫而江山無異辭矣謹頓首謝頓首謝子
 秀別三年漸成六考通籍金闈止爭浮圖一類近書謂赴吏部
 銓將取一闕人豪如此猶落殿子選豈非朋友之責哉歲月易

老功業宜壯早改官去即仗麾建節無滯碍男兒事庶幾哉某
當年間亦大參差江西代者激為波濤使人彈指剝賴君之
庇天日皦然今可以適吾山水之陶矣比詩云日騎馬來
山中歸時明月長在地但願山人一百年一年三百餘番醉君
念我悉度欲知我近況不敢不白其倦故人之意豈一飯而
忘顧數百日内不能專一价附書殷郵又不敢信以是契闊詹
仰充塞懷抱而未有以發也李彪請假歸道出琵琶亭下率然
伸紙意之所至不擇言語臨書神爽飛動

與杜教授抑之字伯揚号帶溪宗仁父李梅亭高第

辱早春第一帖遠佩意真每念吾弟輒思老成吾弟一出幸
無他微執事教訓何以臻此不知葛蒲前後書琴得至山中否

近來心思稍清頗得專意研討亦時不廢吟句嘗令吾弟訪關
南史正本與晚唐百家詩想未可得如未也執事試致意焉
桂留館中日得誦習毛詩因知求選於選止可為選之子孫求
選於三百五篇則選之兄弟可進也相見當為執事傾倒之偶
遣一价信筆布露馳泝雲表

回謝教授愛山四帖

雖塊坐深山於時高人韻士鼎鑪獨無耳乎載酒問奇道之云
遠徒有是心而未之能也不圖五益道院屈居仙客階蘭砌玉
與亭芝相照映每思吾仲取友必端未嘗不自嘆獨學之陋手
書寵貽清揚流動雖未見猶既見矣何時簪盍慰此忡悒臨風
馳報書不盡言

寒簷積雨抖擻無惺得書而讀之昏眼為拭其落、白雲間一
疇春綠自飯吾犢浮世榮辱事付之山外衰借所蒙君言過矣
然醴露醲郁波及溝斷企瑞芝而遐眺佩金蘭之永好也美人
一方書琴自適為誦停雲三過

日於仲氏便价得書振衣快讀恍焉眉宇之迫吾睫可入不來
蒼苔滿徑得無忘把酒看山時約取西風逼人桂香浮動天池
鯤化博火搖而上之捨愛山其誰屬魁卷紙一幅納之文房衣
被琳琅騰者翦光景楮生輩亦將侈其逢矣薄言占復掛一漏萬
山中度日如年落葉蕭蕭涼月墮砌起視寥泬安得知已握
手長吟寫胸中之耿々以相慰籍耶杪秋餘熱猶壯二豎者雖
相戲而不吾虐予亦縱其所為倉扁輩未嘗屑然也久之不

覺脫然去言又不然之治有勝於齊卽者寵貽手札問勞渠
渠故道其所以然而以復于執事

與廬陵劉知縣廷薦

采山釣水飲食於大夫之境三年于茲門無公事得至於百里
之室幾於魚游江湖而忘江湖矣伏諗解印西歸揚舟東下昔
者河陽之李公茲南國之崇諸父兄弟服習長者教訓恨不
留鎮此土雖然此一縣之望也縣私土子人無所不治是中都
索包總有相道焉行矣僕將夫其所觀某山深閉門杳無城郭
信風傳令尹新舊之交未及馳慶乃承手書顛走告別江頭折
柳柰何不敏為之慚對樽命西壁空寒一無可為載月助者知
心天遠解后何年詹沂風帆江空渺々

與廬陵李知縣說孫

某邑人也聞令尹之來不能隨父兄弟迓千騎於郊外敢自
訟以書惟高明察之某茲審承命九天滄封百里初條甫下闔
境爭驩諒為慶悵其曾氣宇鴻明風猷駿厲備程步武空萬馬
以無前清水鋒鉞解千牛而不頓吾廬陵號壯哉縣詞訟雖繁
而詩書之家眾版籍雖廣而期會之事省約之以清淨捷之以
平易以公之才恢希有餘地矣會成美錦適趣溫綸其翫麟一
世之沈浮人也所占籍處在治所之南三舍而遠雞豚可千戶
而淳俗厚僕也相忠於漁樵而今而後其得一廛之託矣僕實
何者首辱笈戈函以此事當路之尊貴則有矣區區何足以當之
輒裁笈戈賀上并鍾鼎大名歸璧洵吏伏楮卷

與廬陵陳知縣免舉

昨歲京華天作解后每念晏公在陳歐公在穎二宋二蘇千里
往訪竟日從容以其不才受知場屋且二十年良覲乃僅如此
視子瞻子京諸公不知何地著愧匆匆汰去過荷遠將一目江
空暮雲如水渭濱之首寧為他人回哉茲者伏審肅持鳳檢出
宰螺山車馬實來旌倪胥舞伏惟驩慶先生聞多而學廣事熟
而心精筆力千鈞捕龍蛇而搏虎豹雲衢萬仞騎麒麟而翳鳳
凰未秣馬於天津乃著鞭於雷邑竹松林裏不妨編簡之尋枕
李蹊邊細數枝柯之長小紆盤錯便起扶搖某閉門山中傳來
邸報忽覩先生為吾邦一來古人重師友至有塗膏胤片言隻字
以冀萬分益者嗚絃千室中有老門生在焉知公不能用其懇

然矣惟素性疎嬾無城市蹤跡謹避聲利不沾借於公私自
今以往陰陽和風雨時曉猿夜鶴左花右竹吾君吾相之恩亦
吾座主之惠也剽聞前茅在郊謹具劄子候迎臨風馳往

回樂安唐知縣元齡

深山中俯仰漁釣久闊時筭使者忽來計一往一返殆幾千里
君之厚我感無有極他人作縣驚惴若不可以一日先生為之
優游政聲洋洋乎盈耳難易殊絕蓋必有為之本者旦夕細滿
綸綍在道壁弟以斯文受知僥倖通政書來謂注邑當在春季
繼此望洋方新尚賴教誨庶幾天自淑刊曉寺記徵獎予不及此
惟平生於浮屠無所見非敢有所讓闕於其家數全不曾從事
可恃愛直布尚寬方命之誅嘉貺頓拜薄物非所以為報臨風

悚仄

回劉運使應龍號寶齋

比承一介使人陟我山麓問外自海外來執事惠綏一日之好
其與人也重以周則既感激所蒙致其多謝之私矣未數日從
驛史取近報伏審升班西閣移節南昌提封不隔於故家父老
相誇於盛事仰惟慶愜其官揚休山立玉潤金相方其為御史
也風采所撼聞者凜栗及其將指於楚越也滿腔惻隱人所不
滿之處入愈入細之規模可以既見歸來麟閣還本等地位已
竊疑之西江涸鮒延首福星誰為朕行弄印未決公未至闕下
就道相屬亦曰此公鄉里煩公歲月又將出少府節召公歸矣
其嚮者相節亦曰鄉部後來召駕數月而不休嘗試思之近年

如宏翁鉅翁未嘗漕本路而二老之所以鎮壓群動者年德
位望自是過人而持斧之後旁午憂譁又非計使比也今執事
繼二老芳躅仁聲賢聞之著於人久矣萬無不及惟有過之此
所以宜賀而僕之所以亟拜此書也前茅出嶺聞已多日勢必
巽書歸釣山以俟命上方屬意賢英亟疾其驅惠我江國
歸書不勝瞻依之至。鉅翁包宏齋名恢 矩翁曾矩堂名頴茂

耕釣山澤 飯蔬飲水不自知成年之運也使者維何云自南
浦飛雲五朶居然下之寒谷陰崖冰霜積返春風不擇地而至
有如此者其官天和暉穆地望高深夜占天文福星直斗牛之
分薄蓬萊厭承明為桑梓此來釣山之下雲霧噴薄油霖甘
露流注乎大江之西部人熱以呼吾父吾母帝曰勞止歸遂相予

僕何幸身親見之某山人也其於當路歛有等威不敢屑竿
牘致歲時之敬謙尊而光禮出倒置德盛仁熟悚然稽首落霞
孤鶩水天茫。既不克偃僕請拜祭戟之心之精微寄此函
尺永言歸嚮江流知之

與袁守雷侍郎直中 號省身

某前年赴宣州道滕閣下望山川英氣稽首人物欲擁篲造
門而舟車異趣僅能拜書問花竹平安而已七何蹤跡展轉不
遑嗣音歸卧蒼苔益以疎闊其戀門墻之心固如水之必東
也其比者伏閣邸報竊審小紆紫索近擁銀符吏諫旌旗人傳
禱榜共惟雍慶欽以其官抱經濟之祕稱磊落之豪青天白日
鳳凰百年羨瑞高山深林龍虎一代傑魁上方寤寐仄席圖致

太平甘泉舊臣不當越在遠服名藩歌馬姑曰起家徑執事樞
旦夕有詔某與千一出殊與戊辰相似去住匆取笑當世杜
門深念益求寡過未知所以稱塞於知己之道君子不棄尚惠
教之某又聞紫馬赴鎮空山不能專介申賀適逢過客輒寫其
私以自附於大厦燕雀之後相望一方馳泝切

與中書祭酒知贛州翁舟山名合

晨起冠帶輪寫積誠世俗竿牘曾是是為有道者言惟高明索
之形骸之外某青原白鷺書生耳童子何知乍習句讀凡先生
之精神意氣粲然於言語文字公之天下以淑後學某皆嘗得
以朝斯夕斯焉衣被遺餘曾不自意早以名知於人有我師焉
生同吾世驅馳四方乃不得解后某日夜興起謂當何時而

後得免於常人也涇年堂實勞我心共惟某官孕光

參天地之運大忠大雅萊公文正之心不倚不偏伊洛考亭

學斯文落上帝惠顧天門夜下龍虎章授公以柄轆轉班

經緯星辰公從兩制稍發蓄積然後坐之廟堂為天子興建禮

樂洗千載房杜之陋太平之期適當今日某退歸以來有泉石

十里足以為適浮空變態日過其前飯蔬飲水自求吾志竊伏

思念空同鬱鬱如在屋角平生情結云如之何輒因此時以姓

名通之門下一言終身尚庶幾焉園丘慶成上方親事少府出

節必以公歸迎拜東帆螺江之澣以其時可矣山斗高明臨風

切

某伏自空同玉節順江而東後中流迎候鷓首雄文鉅冊

想象變化如高山深林龍虎不測不圖解后遂拜堂風流雲
散一別如雨金聲玉色之寶以之自先生振衣登朝手提文印
以照四海國家誥令典冊燁然先秦西漢之上學校之士莫不
從風興起彬、郁、年自磨濯以正法眼作大宗師世無歐陽
不當在弟子之列其知稽首矣主上尊德樂道師用賢論
獻納日聞正言孔孟不得用於周光禹竟無益於漢才與
學與位偶儒者之遇未有榮於此時者也大學之功用至治之
福澤何幸身親見之其疏脫之蹤分安山澤起家誤渥忽昇龍
藩閭命彷徨莫知所自如聞天上聲光假借非一意若可與從
事斯文者自古聖賢之佐英豪之輔莫不垂意人物薦進拔擢
燮天功經人極固不在此共惟盛心卓犖度越流俗而其則

其人也不瞻紫微徒有頓首脩門懸隔久曠音題屬請事祠官
有軀一介輒鳴忼慨未即趨摠願言玉持金護為世道自力臨
風切

賀翁丹山蕪憲

其孰視一世靡然風塵刀筆何從縱橫旁午架漏於士民之上
而世之言人材者率如是而已安得結輩落參錯布滿天下
使萬物吐氣僕嘗擊節於斯言悠悠空山誰與語此茲者古審
肅將繡節通沓銀符山川不改於空同風采一新於江右六惟
其宮淵源接乎諸老氣槩聞於當時人物眇然真中流之巨屏
文章偉甚稱南渡之當家輩行諸公鈞樞十九夜半一丸趣歸
蓬萊以其時則晚矣上方式敬由獄乃眷西顧非有志念不

以洗冤澤物非有力量不足以懲暴詰奸故子環之寧避而乘
傳之若屑太平之責正在方來以公歸方政枋焉往某碌之不
如人獨有愚慙不能改其素追記前年冒乘君子之器他不足
道惟奸宄豪橫稍鋤擊淺之為日月雖未得盡行吾志庶幾
無失職之恨人情卑淺憚繩檢而樂姑息矧猶未免鄉人譁訛
朋與以要其得罪於小人也果矣伏惟先生昨者不賜鄙夷心
聲往來藹然氣類之意某誠不知何日得以執鞭下風勿觀除
綸心目開朗我輩從事俗吏奪氣豈獨為一道賀實是自壯
專人上狀頓稽庭下少伸門墻燕雀之悃蘋藻薄羞荆紙端
悚

賀江東憲方逢辰 號蛟峯

某當公在螭坳時嘗奉一紙書至于閣下書上未幾而公歸蛟
峰矣譬諸草木臭味實同瞻望雲山臨風切：某茲者恭審升
撰祕丘宣威直指西臺與政蓋嘗識穎濱之文東路洗冤亦以
行瀛溪之志六絲初駕一佛懽傳共惟某官色正而芒寒揚沫
而山立言語妙天下材稱一代之奇出處重本朝望在諸公之
右自夾侍玉皇香案等而上之胡不均弘俾執事樞國家重更
迭之制江湖一節煩公驅馳式教由獄以長我王國公所學在
此歸哉：中詔在道某山林之下靜觀世故其於君子進退
安得不致其卷：芝山父老迎擁星軺以時考之可矣輒馳一
介自附於門下燕雀江水東西心期天遠臨紙欲飛

賀前人除江西漕

其束書歸隱有釣遊之所曰盤中兩山對峙間以小溪日步溪
上極目滔汨輒自以為晝夜不舍此溪水會有達鍾陵時而其
塊守漁樵則曾此水不若耳昨孟君陞從番易遣介來嘗為書
附申起居相望千里亦不知上徹果何如時也其茲者伏審班
仍寶殿節峻冰臺賈索沈、方轉芝山之曉使星冉、又回南
浦之春一水東西二天今昔伏惟歡慶欽以某官寒芒五緯絕
岸孤峰生漢子陵之鄉雲山一日派唐處士之譜風雅百年雖
已躋海而望蓬萊猶肯縹緲而諏原隰瀟溪道脉雙井詩香流
馬木牛既無媿於千古落霞孤鶩應可對於二公所謂旂常特
吾懷袖某碑兀抱虛真無所用於世曩六轡使江之左每依餘
光以自映帶今也一畝之宮環堵之室囿德宇而處自茲以往
夜月如水猿鶴不驚田夫芸子各適所適則何啻如天之福郵
傳所至不勝燕雀私情即日謹奉書為賀臨風馳泚

回許秘丞自號果齋

某火龍之歲從集英門綴行而出風流雲散回首參差不自意
去年待罪闕下獲接英游心事流行日星垂而河漢流也湖陰
送客風露滿衣移語崇朝英槩疊、歸去來山中至今夜夢見
之新昌小弟夙被獎知嘗察之情終始一日俾來遞示五雲光
怪照室此豈四海九州無情人耶鄉風九頓首尊年文山立時
行日光玉潔長樂鼓鍾西清帷幄終當著身風日不到處輾轉
雲漢絳緯星辰為天下開文明太平之運某被服光潤實與有
焉某既還里閑入山讀書杳不知山外事天上故人重相顧念

適逢便武輒謝所蒙餘祈為斯文珍重慰此引領

賀倪提舉普 號警齋

某寄跡提封某水某丘童子所鈞遊君侯實照臨之報政將一
年矣某猶未能以民禮見自盤谷西南而望城郭在焉相對五
雲輒移時不能去其茲審宸綍鼎來使臺肇建讀皇甫記已蘇
今日之疲民傳紫陽心又舉向來之荒政風行新令雷動歡聲
欽以其官神驅五兵才入八面作真御史以直道而事君稱明
監司行本心而澤物公來青原父母其人屬時常平弄印六服
牧伯無以踰公者西江涸轍久煩公拯活歲月少府出節中詔
又冉一出建章矣某自聽除綸即欲自附於門下燕雀側聞雅
志引卻甚真上方倚賢者以共理烏乎能後臺治一新境內為

動某甫及拂紙行墨以贊東注之盛嘻其晏矣世俗所以事尊
貴以鱗鬣從事公有道人也某不敢出此臨風飛動

與新知太平州趙月山 名起集英殿修撰川人

某去年待罪闕下幸甚得一再交書幅中獨樂近在吳門入秋
正擬專介候猿鶴起居會去國不果黃強立自竹所來相見於
六和塔下遠蒙寄聲多謝故人厚意自是而入山愈深杜門掃
軌無復南來鴈之矣壁藁學製新昌新年見告二月遣人詣門
墻通問輒寄所思寫之竹筒既行伏覩除日欣審仍班內撰領
權東藩一札起家千乘載道共惟驩慶執事青天白日之質望
之知為正人千兵萬馬之胸識者推為豪傑六合悠悠風埃滿
目所謂江左管夷吾公其人也偃薄起伏如神龍天馬不可羈

牛渚天門一瞬萬里亦足以發其中之所存矣天下事方有賴於公時來為之孰之能禦其夙昔荷相知出人一等以此不敢自菲薄一別十年浮雲進退何足為達者道而學不加長每自自憐久不見叔度鄙吝固宜自今得聞一言三日後刮目未知於吳下蒙何如也偶遇新昌便意其介尚或未行輒附賀狀并寫戀嫪萬分之一相望汝寥臨紙馳泝

其風雲殘年中使者以餽歲至嘗草之拜狀竟未知果達畿房與否過年百二十日是間何限傾倒毛穎輩不任事姑寄一歡比審放纜長江休鞍盤谷執事自宦遊以來敷歷中外垂三十年曾無一日得從五畝花竹之樂金山鷗鷺南此尋盟如負者之息其肩行者之休于樹一時瀟洒比軒冕束縛矐乎遠矣浮

雲滿山任其徃來太虛真體皦然萬古其歸來兩年處積毀震撼之餘差幸天者之小定自有溪山足以遊釣漫不問其他有詩云日騎馬來山中歸時明月長在地但願山人一百年一年三百餘番醉欲知近况此其凡矣念人間清福莫如一閑幸而吾二人皆可以自適獨相去遼絕無從合并江東暮雲長之在眼輒專人奉問潭府居處之槩即辰夏氣方深共惟靜養淳和坐消熱惱神明護持式衍方來川至之福臨紙耿々

與知言州江提舉萬頃 號古崖

其兩年乎山中春猿秋鶴木食澗飲蓋頽然世味之外者五雲繡紛靡節夾招搖歷勾陳而下青原白鷺浩有生意某甫與溪倪谷耄額手蒙幸乃大化驅之出束書就道修民禮公堂下湘

豆春風肅韶夜月籍之以詩書禮樂之光多矣明公以洞庭五
老之胸時雨一路曾未數月春旗霜艘風采軒豁所謂動搖山
岳細事耳少須暇之棣萼棠陰先後醲郁夢寐吾米衣被八紘
持國弟兄盛事再見大江以西之父老子弟豈得以私我公哉
其自解維江詩風濤回薄抵昭亭下是為子月丙寅大壞積枵
觸手病敗雖日夜爬梳會肯繁然肯豎浸淫非七劑可藥肘後
寵靈公不我靳則宣殆庶幾乎惟故山松菊沐浴瑞露而隴蜀
之望復切之微疇豈不至此某日隨陞僊神馳祭戟甫奉陟釐則
已魯臯籍獨不愧于心乎歲將終矣願言滿頌盤椒對揚綿綵
此豈無委嚴立下風

某伏蒙公劄下問勸分仰見豈弟父母救民水火之盛心某實

與邦人額手大賜其所居里凡千餘家常年家中散米一日不
收錢諸大家以次接續賑糶可及三十日隔日一糶可當兩月
此方儘可無飢他時不待勸率自是舉行明年係緊要年分或
須使榜一申嚴之至期却當取稟但四竟委有可憂蓋吾州從
來以早稻充民食以晚稻充官租今年晚稻半虧顆粒並是入
官之數早稻不過二三分則是民食十減七八此其所以皇
也近見多有趁龍泉永新運糶者聞彼二處米亦有限縣大夫
各私其土不肯透泄亦其不得已也此須使司示以意嚮使之
斟酌放行庶彼此可以均濟最急如通贛州之米近同年李
守惠書自謂年穀中熟米價日低某嘗答書云廬陵一歉異於
常年田里憔悴不堪舉目惟章貢素無糶事而得歲又偏鄉人

顛頓者往：相率而趨治國民食關係苟可通融兼愛秦晉公之惠也蓋顛浮橋世米之令素嚴田吉號產米而顛多山少田故為顛計不容旁及鄰郡今歲事既相反又當通變此須古崖一書與李守通情俟得其要領然後大榜境內許人赴顛收糶此亦權宜之一策也區區管見姑復仁明後有利便又須陸續申控

某自聞琴鶴言歸即戒筭車擬送別於吉水新塗間初十日始得初八日申時寶翰則知去期甚速始意不可得遂即抖擻作詩馳諸使舡意必可相及僕自城還則知解維已三日臨風悵惋如失廬陵四竟皇之流離入顛過吾鄉者無虛日豈弟父母又拂衣去之細民嗷嗷皆謂曷不留
兄婦女一無異

辭此即公論在人心不可磨滅處吾輩仕宦得如此即無愧漢循吏傳浮雲得喪何足較也某念受廛兩年當使君之
不得
往送詩又不達歎負為如何亟函元詩并拜此紙從新昌壁弟處借一兵走詣潭府不知紫氣在芝山或在廬山邪引筆馳泝之至大丞相古心老師某不敢容易上問鈞履丐為轉道參言
依卷卷

賀知吉州黃提舉器之 名鏞

某密依使天水雪深山與猿鶴卧送流年緡故牘於左泉右石間非賜邪每飯牛頃必矯首畫戟下茲審郡揚帝爾節畀天困千里光華一道鼓舞伏惟驩抃欽惟其官眼空四海胸著千年振代直聲鼓雷霆而潤風雨鎮浮定力載華岳而繫星辰衣

冠紫索之神仙氣類青原之忠節旌麾一頓草木交輝地私二千
石之陽和天薄土州之福澤璀璨六絲之遺礪礪五符之歌
賜召環遂高聽履其受屢幸矣公朝念其久廢誤節湘行顛
倒綉衣不堪重著陳情丐祠以安寂水之奉尚微均弘俞音且
夕下俾得醉泉飽巖水之北山之南地主之賜也於馳賀之次
仰布其私于瀆峻清臨楮悚悚

與前人

某日者釋耒山中僕之湘後走公堂修民禮且申假道之敬蒙
主進吏位之堂上再三祖帳殷勤臺魏絡繹視屢氓且絕等至
於開心見誠憂愛豐之一洗世俗崖岸其鄙吝久矣微大雅無
以發此意殆未許諸兒竟也小隊出郊追送作遠自違森戟雲
樹渺然連日欲作書道歸戀之既征塵在衣筆硯為廢偶宿分
宜七里殘日入戶輒寫綢繆風濤滔之婆緯忘食金護玉持世
道將有嘉賴歸薦草尚謀齋糜

賀楊提刑允恭

號高峰

某昔者望七十二峯於洞庭之南以為嵩恒岱華類不可易見
五峰三市之近皇華臨之遂得以相望下風未見猶既見矣迺
今使帆凌空泝巔石而上僕家去大江濱可四十里天其予之
以一日迎見之便慰此平生云胡不喜其茲者伏審庾政告功刑
其建節塞惟而問風俗猶昔四封持斧而行東南于今三命旌
旗初動約束一新仰惟某官識透萬微才當八面陽道州撫字
之政所謂吏師元刺史參錯之奇可布天下天子以公雋於倫

紀使得以便綵衣堂上之奉乃眷西顧如此江水一節常平二節綉谷式敬由獄以長我王國平及一笑庶其在此公歸廟朝即典風化一家仁一國興仁尚觀大學之顯效某杜門掃軌知事常後忽里巷父老驩傳明使者將至伏櫪之驚躍鉦鼓往事如夢不足細陳其所深自幸賀者三間風雨託諸提封小人有母繼自今得安於其子之養是則君子錫類之賜服之無斃堂堂在目即聽匪伊輒以書先精神孤往

與吉州繆知府元德

某昔侍同朝自詭相好茲不得又以繫縛為踈遠惟公勿深訝某行吟孤嶼回首吳山烟雨中書郵來往時後泓穎欵尊仰汰歸深密姓字不到雲霞段外分正如此非於名門有所簡也階符

在望徒有稽首某茲者伏審朱轡春動紫馬星移民樂耕桑靜方安於晉國州稱富庶勤強更屬於張公兩地送迎二天今昔恭惟懽慶欽以其官霜明月湛玉潔冰清端嚴有大臣風澄不清而撓不濁循良入漢吏傳寬有斷而愛有威小停權於天津頻合符於江國歲之不易民胡以生將甦青社之飢遂易以陽之卧立兒上爭杜術雖去住之良難席前問賈生恐傳呼之已迅自天子所以我公歸某茅屋三間在萬山深處借書沽酒一毫不以為公私撓獨蒔松百畝日騎牛叩角其間天惠仁侯自此吏不打門犬不夜吠猿號鶴嘯各適其適則某受賜多矣候迎之初不勝依倚謹具劄子自陳燕雀之私何當嗣狀某屏居一廛耳目塗塞忽蒙公牘錄示省札竊諭朝廷為季祕

丞諸公有請特發諸項椿積賑我廬陵而賢太守敬共其事日
夜講行之仰惟施仁發政朝廷甚盛惠也救災恤患鄉曲誦公
甚盛舉也承流宣化切切然惟恐一夫不被其澤君侯甚盛心

也嘉 與鄉邦父老人士同一贊歎伏承不鄙特有下問以某

之庸愚不足及此細玩諸公所陳如隨縣闊狹分撥米數如發
難之自依元糶價錢皆旨揮之所已許而使府已遵而行之
甚善至於戶口之多寡編排之虛實此則各都各保之事所在
都保委有奸欺然物之乘齊物之情也若以太守肩為此計
較恐末流必至多事此惟當嚴責之八縣宰若親民若其以
實思及人為意必能周思熟慮以求稱塞明指傳所謂心誠求
之雖不中不遠是也一縣各有一縣風俗一鄉各有一鄉事

諸宰申請惟各從其便不患寡而患不均彼必自能斟酌通融
而為之說惟吾行所無事自然所濟未細但縣之於郡徑一勢
分隔絕若專靠公文行移必致展轉遲滯之患若使府明諭諸
宰此事今作一項措置本此公事常程每縣各給以數紫袋置
循環曆其中使諸宰有不明只於曆中絡繹稟請從書表司
徑達君侯隨手應答如回朋友書信使為宰者得依時稟承其
中便咸吏奸八九分且闕里細微得常達於黃堂之前物來事
至無不曲當是則布宣德意之一大捷法也其不當出曆越
承間不敢不對或者干慮一得惟君侯矜其愚而勿罪之其繼
此若有管見馮恃寬貫又得稟陳

回吉州西倅實檢閱全器

某昨歲待非闕下明公騎鶴騰鳳下我青原相望寥廓不能以
時刷翎振味從燕雀來不圖天孫雲錦飛墮几格金聲玉色參
前倚衡山不以既見未見為間然也某官歛岳翠以為神氣卷
湘水以為波瀾駕蓮葉而味玉書仙芳纒之舉芙蓉而弄斗柄
道運堂之長樂鼓鍾西清惟惺轉輶星辰經緯雲漢固其分也
風月神螺小此盤礴綠縵方底王曰逆歸其旦之為斯文屬目
昨承使者之來即從備門作意馳謝會忽之去國出處殊科歸
臥悠之書尺盡廢光陰不堪把玩歲年如許念厚意久不報矍
然薰沐祇對主書耕釣一塵五雲在上臨風詹沂之至

同江州李都承與號南窓閑西人

某頃風颿回薄自湖入江目穿高牙恨臂不羽一棹從滄浦水

五雲絢爛照映清越對桑落而飲故人之酒擊中流而聞夜覺
之雞至今使人意氣激昂借力下風飽我滿腹乃以丙寅視篆
爰舍下塵埃抖擻末繇面謝軍將扣門斜封三道突入眼角臺
餽使舊錦袍之私何以持報共惟某官關洛耆俊韓范聲名參
井鉞茲聯寶奎之錯落江淮草木被玉節之昭回吟嘯庾樓梅
花噴噴傳老熊當道貉子不敢越一步夷猶岸情蚤管莫涯方面
詠不致辭圭錫以須勒此堂之燕然石在某漫浪出山落身枵
瓠問官之靡問吏之荒而民氣則憤之未醒絲焚莫理如之何
其淑後也明公惠念疇昔肘後丹訣其肯為其愛邪臨風切之
亟拂吏空具酬潦約歲晚寒驕頷言金玉體府壽此宗廟社稷
之身宣豈無勦斲者三肅以請

某去年在宣州一江上下幸甚數。相聞然所甚恨者過湖口時不能轉江西四十里拜屏下共登琵琶亭以庶幾英豪之下風也未幾召去又未幾汰婦一出處為天下笑知心千里外當亦謂何其比者伏審晉承密旨升直淵圖詔軍中褒錄車之趣共惟驩慶某官閑西遺老江表偉人崎嶇諸葛之兵間氣吞河渭偃蹇元規之坐處目盡江淮天方祚宋襄以解嚴公歸本朝坐帷幄老成謀國處置得宜使姦雄伐謀兵端不開將社稷實受其福某發緯小心一飯三禱屏伏深山幸不見棄於君子專使遠來持書問勞將意孔厚猿鶴為驚區區心拜高誼而杜門齟齬未知所以為報也九江未除人想當宁急賢應不俟代其與海內延頸太用倘得衣被餘光遂為太平幸民公賜六矣

空如許執筆茫然相望一方精神馳往

回潘檢閱

某伏以歲華晚晚春事權輿共惟某官鏤玉晶熒凝旒簡注神之相之台候動止萬福某濃熏鵲尾酬敬腴施襄從集英殿門言榜得人以執事重海臺沙合雲月相輝至今斗牛猶有光氣顧山林僻左擊鴈悠々天際碧雲明發不寐千里眉目忽照宛淩為之豈然以喜欽以某官斂崑崙以為神氣捲溟渤以為波濤玉質金相宛乎無自眩之色泉清松茂浩然有難進之風乃今紬石室之秘箴為搢書而出色視周六典作宋一經南豔豔以史學稱進裁大典安定非他人比宜在經筵某鶴夢正臞起廢出坎甬墻弗獲被命于征郡愕然虛真山凋水瘵處也敏手爬

梳猶懼不饒况不穎之尤者乎不規而頌非所敢望於同年也
稟酬崖約寧不嗣音願言努力明德對揚王休有昭亭委成其
敢不肅

回鍾編校堯俞 字景前號方岩

某曉汲凍清以贄萬一之謝首干穹勺其兩年山中風月晃朗
望太乙光氣九霄書畫無翰不能時一飛到梅花月影忽疑是
君而米家第二帖至矣施稠報眇自省歆如尊執事以黼黻雲
漢之胸試金玉典墳之手駕輕就重拾級升高此逢掖之至榮
而播紳之交羨曾子固晉裁大典為史學憂胡康侯宜在經筵
非他人比某鶴夢正寒六化驅之出自湖涉江風帆回薄四十程
不抵雲山凋水瘳眇兮愁予敏手爬梳猶懼不饒况不穎之尤

者乎高明局外之見何以教之滿硯冰澌濡毫如帶尚規嗣音
以寫繾綣

回吳制帥華 號恕齋

某林慚澗愧吳此來幸其在玉節照臨之未九華山下嗟跌
望塵拜手雙魚分隔雲漢敢圖下士感心超越昭代襄報鄭重
閱位貌於不有方驚喜未定間五雲寵靈看玉麟堂翩然貴之
所施所蒙非敵已以下所得道德之味流注翰墨使人之意
也消怨齋先生允文允武之才有體有用之學以王謝之衣冠
而凌風流於江左以朱程之講貫而窺闥奧於魯東顧今吏道
便孰袂惟成雲崇詩書而抑刀筆坐俎豆而行甲兵銖鑿東南
公其天人也耶經制西事當在朝廷錫命師中不如歸衮其敢

誦所聞某生也晚於一世封胡羯末之勝幸甚皆得下拜而於
怒齋識獨早眷尤厚癸亥之望神泉戊辰之陪紫雲及其後來
事也今則以列郡而事崇壇何敢仰綴宿昔食芹之文豈無是
心非所得僭詎謂臺觀駢羅光昭宗國自上而施之足以為德
某敢不三肅使人恭承嘉貺若夫以往復為禮則誼之所不敢
出也謹三熏三沐祗酌主書千瀆清嚴臨風愧悚

回宣州洪倅

某馳想芝山屹立如鷲坡鳳閣代有茲妙不自意天恩宛陵朱
綬斯皇乃肯共堂下探梅清致亭、雲月邀我敬山不後不先
未有如斯之巧者也伏惟執事日光玉潔之襟繩直準平之度
取堅御良之材真所謂喬木百圍秀色千霄望清都太微之垣

維天有咫課丹岷緹屏之最當階而升胡尚縮於緋魚來同看
於青鶴意者康沂之歌愈出愈偉有相之道實昇之以藥石枵
然郡政之闕者乎思昔頴水膏立其間而正獻以賢行佐理至
今談者猶橋舌不下某於鄉之典刑無能為後而吾執事則真
其人也前茅在道旗旄舒、頽疾其驅降此未見至於采珠委
贖鄭甚於先施覺光氣烟、衝貫斗牛矣囉弗敢當亟鍾鼎而
歸於瑤華之側區、甫此滌篆排究占酌、庶畧是慰

文山先生文集卷之七

書

回吳直閣履齋之子

某以之時間東南二石筍玉立九霄陵陽艾君實為綠野午橋
佳處鸞鶴神清縹緲何許老成遠矣尚有典刑仰惟某官揚休
山立之韻日光玉潔之襟文獻堂、代有英妙未既見只神爽一
方某臥青原山中驅馳良倦上恩俾郤越在鳴珂循走彷徨連
符趣赴不量此來未知所以淑後喬木婆娑五雲絢畫尚祈薤
藟俾就玉成某遠奉瑤音緘貺駢錦先施倒置曾是為容既什
繁市何輒鍾鼎以歸太乙之府望履非遥臨風翠

與游提刑汶

其以良月之望舉棹東下江空見底乃章貢源頭諸水怒長未
樂光燄五朶與空同雲俱來往飄順風航波瀾之澎湃洒石鍾
之清越寵靈張王迄抵雙溪子月丙寅俯松賤後辦香西望敬
謝所蒙明公卷其十二峯之神氣軒、磊、照耀東南以宰相
才學宰相事天下久望其為家擅出色纏絲周道肯復倭遲惠
露灑、江之民幸矣如溥寰何會有温綸四革馳下其不善為
斷得郡復得至之日視官、靡視吏、荒民氣憤、如也爬剔
焚絲顧氣力所至終覺五技易窮肘後神奇不敢以望之他人
惟故山松菊衣被綵雲亦已過數矧茲隴蜀微惠未涯微疇昔
不及此相望二千里外明月此心懇、側釐掛一漏萬惟青陽
將動緋綠光華式金式玉以副前禱此豈無飢辱戒為榮

與趙知郡孟適

號菊山

某頃從南浦亭邊抖擻般函道所蒙荷且矯首于太乙之府穹
林宴坐縹緲絳霄江塗漫、勞我宵柙執事以玉雪界之精神
臨睨八極朝闈風夕玄圃識者猶竊漢之錦衣照道紫塗橫舟
蕩漾柳風噓吸竹露澗阿樂矣如願、望歲者何建章夜半尺
一堂、畫省紅雲著公高處惟日望之其不善為斷得郡復得
子月丙寅視篆昭亭下視官、靡視吏、荒洗垢爬痒亦曰視
吾氣力所至然山凋水瘵非刀圭可療肘後神奇惠徼大福其
不敢以望他人也焚蕤淪雪西鄉奉書以謝以祈鼎珍履約願
言金護玉持對揚王休臨風悃結

賀前人得旰守

某昨在宣州拜書亡何客攜琳琅來京師欣浣如對匆、去國
不成報襄歸里以來杜門深念又無從嗣音為謝徒有清夢夜
遶金峰忽讀即狀欣審丹鳳揚綸銀菟擁鎮八百國封爵莫如
同姓之親二千石起家共讚惟良之牧先聲載道闔竟為春伏
深歡抃欽以某官景緯光華仙潢清潤淮南桂樹了無貴介之
風李白桃園綽有神仙之韻軒陛宜當於三錫轅和肯泚於十
同睽惟東盱實介南服紅泉碧澗髮髯丹丘白玉紫烟參差綉
陌聊商羊於朱紱供衍燕於清香大宗維翰价人維藩不動袴
襦之喜九卿執羔三公執壁言觀衣鳥之歸某辱在眷知助喜
百倍既不能振翎刷喙從燕雀來謹奉書寄便申慶逯共當已
在道不知開藩消卜何日某尚當屢賀不一賀臨風馳泝

與趙監丞淇 號平遠

某乃歲之秋緹騎來山中嶽翠蒼寒琳琅照映章不成報內有
默然寧不嗣音僻左之以世道如許風起雲飛中夜人物之思
為此耿、上念井絡丹詔起家峽月棧雲先聲浩蕩盖有望水
牛流馬并立武侯之事業又壁窺萬一意必與南山泊子秀諸
公上下雲龍共此光明俊偉之舉縮手袖間臨睨天半此其大
本領大經綸政不易涯之野水橫舟蒼虬縹緲山君川后日有
䟽附即日恭惟台悵萬福某漁隈半席自分小休誤渥自天俾
尋度謝舊盟意此是枚拭笏簪之陋耳三辟弗可乃以陽月之
望東書出山涉重湖越大江整、四十日抵戍以是月丙寅抵賤
事凋城敗屋枵然大發耳搔首踟躕望洋氣縮維宣距鄴僅隔

一雲東望熏香奉天書候起處憲徽藥石立我沈痼梅花晴昊
挂笏神馳

慰前人

某昔讀檀弓文子之喪既除喪而後越人來弔其居使之然也
伏惟先大傳大丞相冀國公之喪既有日矣地不千里不能往
弔一介奉禮今也而後能來死罪之嗚呼皇天祚宋國有元老
數百年宗社之靈長千萬里風寒之險要鼓龍在淵虎豹在山
屹然長城為此突兀天乎不使愁遺遠奪之去主上震悼傾動
朝野伏想生平翹館之英俊舊日麾下之將士與夫三邊之百
姓四塞之英豪見碑而淚望城而悲者不能已之矧夫家門之
奇禍父子之至情攀柩何嗚呼痛哉某生也晚當公佩天下

安危分不得勇往執鞭今而追恨則已無及獨念袖有辨香歸
依平土亦既不克為公壽惟有為天下慟哭敢西望靈輶揮淚
百拜而獻之公而可作尚其我許嗚呼悲哉親喪所自盡也抑
先王制禮之意是有節文七君子為孝之道在於顯揚伏惟執
事重致意焉即日孝履支持某頓首奉狀起居臨紙哽塞

回安福趙宰與按

號少齋

某追記疇昔同到蓬萊慈恩之題杏園之宴吾以故不與焉然
同年之情豈以四海九州為藐然哉王孫乃龍種世有籟雲麟
今不溯紫清上峯堯顧得百里之地而君之簾陰晝寂千室鳴
絃實鄰吾父母國人誦子產今其時乎某私獨念今天下豈有
可為之縣、不可為而可為者人如君者以可而臨不可於是

知材具之超常流百倍矣長書下貽燁然春華溜若清風與我
之厚昭仍至情多言不足以殫謝意也某守郡無補誤渥為郎
縮循牆行且歸里當觀棠陰以與邦人共談政化之燬亟推
吏塵具報記室揆諸來施不敏流汗

比一馬二僮日在泉石深處聞山外塵埃亦頗作惡坐對浮雲
亦開口笑不自己耳君解墨綬去意紅光紫氣冉帝側乃猶
廬陵客琅書臺前矍然起仰黃柑紅袖二美并貺杏苑論情我
之懷矣冬江霜涸萬里安流目送征鴻知有順帆天際如駛伏
楮拳中書不中書復字蕪類併希錫察

回寧國交代孟兵部之縉

某去國之前一日宣州弛征之命下某既為桐鄉百姓頓足起

舞即拜書一雙卷為屏障為賢主人賀吾輩讀書臨民正為今日
行志凡此者各盡其分固非相與為勛也既汰在歸里即閉門
不與人事山巔水涯備然獨往而使者忽持五雲來君子之有
情於人也既勞問之將以厚禮復申其綢繆焉其誠不自知其
何以得此也宣人歌舞賢侯之德教冠冕像設祀廣成千二百年
令公三山壽蓋人心之天也某何人斯偶以一日出位言語乃得
因見大夫以自附於去思之義其微德以堪回首碧落山川鬼
神猶有餘愧宣敗壞至矣弛之則期會散繩之則撫字虧公折
回蟻封從容不迫期年而變古語不誣方今論選表無出潁川
右者曷不均弘俾執事樞某一飯三禱使者之歸也謹東望重
掖身心致敬陵峰堂下有日延見父老尚願道山林不忘之私

與其所以不敢當之意進之惟命退之惟命某臨書不勝拳

回寧國陳節推容

去年闕下拜書稍得數未幾聞捧檄校文不知陶鑄何處人
物某自是即汰斥去閉門深山遂無復鱗鴻一日之便忽使者
來山中欣得妙帖見示小錄方知昨者衡鑑所嚮近想歸舟湯
漾彭蠡吾知心正在香爐峰白雲下耳宣之弛征執事首從吏
之幸而集事僅足了吾輩之責非相與為賜也書來乃知宣人
以此為多祠之以識其不忘之意怵揚於孺子之入井豈為內
交要譽設抑桐鄉父老此意亦能使人感激耳宣為郡凋劇極
力扶持幕書間想見勞苦盤錯糾結以試利器天下事正有賴
於方來耳某前冬一出去秋一歸進退行藏惟其所遇而無心

則奉親課子強 琴讀書流水 山悠然獨往不煩故人江
雲渭樹之思也史記見既家藏本皆不及尚當朝夕以稱所蒙
明善錄一部謾有端 箋臨墨馳訴之至

與吳提刑觀

某頃待罪闕下薄奉函書襍被來歸嗣音杳邈上下人物感念
世道未嘗不於門墻拳也某比者伏讀邸報欣審玉陛出綸
綉衣移節夜醉長沙曉行湘水已著平反風酣章貢日麗崆峒
更煩輕熟江湖相望原際增輝某官宣慈而惠和高明而正直
義曹豐授受孔孟氏之淵源江左聲名王謝家之門第蚤立登於
閭闔端坐殿於蓬萊竹馬相呼春生襦袴星軺所至兩臥拊揚
茲游捧於英函乃肯臨於梓部刺史故人按事飲酒情法相當

忠臣孝子畏道驅車君親交盡靡需席暖已趣詔溫某杜門深山去城郭甚遠而於太和差近初謂旦夕使旌旆贛石而前可於快閣上下迎候一拜忽傳英蕩小駐青原某揆之始望則蹉跌矣瞻睇行臺輒易奉狀代敘燕雀之萬一若夫揚清激濁洗冤滯物問閭欣之無所患苦使屏退之蹤亦得從畎畝以自放適是則某之所自賀者也臨紙切之

與湖南陳提舉合 號中山

某猶記乙丑之夏從江西提幹得往來行書江闊雲空年光如水每懷世道上下人物未嘗不中夜耿、某茲者恭審奉少府節旌常平車衡嶽連雲遠挹海山之秀天圍麗漢近垂楚分之光際春深旌旗風動伏惟歡慶某前年與公同除郎去年與公同除節不才安得追附名勝自分却立下風猶幸時論不磨得公輩落、參錯使民物吐氣國庶幾耳相望千里北斗在天何時執鞭寫此忉悒

回林學士希逸 號竹溪

某夙有幸獲與介弟為寅恭因之有以詢居處著作之萬一不成、得喪而言語文章足以詒今傳後竹溪先生何憾哉一日之赫、者多矣千城而赫、者幾人為一日計者無千載也矣

回贛守李宗丞雷應 號樓峰

某區薄林阿不虞使者之涉吾竟也迺自空同來顧我猿鶴米家書畫光怪滿山此豈四海九州同年無情者邪僕家青原

深處實與君侯黃童白叟接吟而處自下車以來但見年穀獨
登辭臆屏息不需數月報政赫然茲豈獨千里能事環君侯四
境雞鳴大吠晝夜相聞實共受賜僕也彈琴讀書於其間其賜
多矣敢圖高誼厚鎮撫之委既盈箱非所當得睇瞻霄立頓
首知歸吾鄉宰邑於使天之下者三人焉其一為陳行夫若羅
子遠蔡濟甫皆西江齊盟者奉令承教必有可觀廬陵一歎異
於常年田里憔悴不堪舉目惟章貢素無糴事而得歲又偏鄉
人顛頓者往々相率而趨治國民食關繫苟可通融兼愛秦晉
公之惠也謹復書空山白雲無足持報薄言采藻臨風如馳

回交代湖南憲新除湖北漕李宗丞

某既專鱗幅奉起居猶有腹心不熾齋孽某屏臥寬閑無復

山外想公朝念其流落界節起家使之繼明公印綬之後聞命
憮然不知所為堂有重諼蓋年耄矣湘行且千里舟車迎侍不
堪顛頓是以懇悃丐祠真便私養天高聽邈促旨且頌叱馭回
車進退維谷將從鶴髮而來耶則非養志將又以香火請耶是
何為者而為是瀆也謀之乃心稟之親老旦夕姑以旨甘屬弟
輩單車將指以明不敢自棄於明時而復以不得將母重告之
造命俟驅馳數旬即乞身以歸為臣子稍盡已分耳其於門墻
知己論交非一日天又開之以奉令承教之機是其與四海九
州之同年其有情益倍倫等誠不圖解后及此古之君子其為
人也謀之必忠愛其人也惟恐其不入於德故敢專陳出處
之際惟執事啟誨而圖利之言不盡意臨風如馳

與江西黃提刑震

其幸托年盟夙依屢部竊跡萬山底衣被未光飲墜露食落
英粗安半菽公之餘也又踈晤寫滿目春雲一水盈、溯詹河
漢其茲者共審出綸鳳闕移節虎城春信初傳立變桁揚之舊
天光下照重瞻禮祭之新依然故部之江山籍甚先庚之號令
伏惟驩慶其官剛不吐而柔不如寬有斷而愛有威發為文章
正詣韶濩動沮金石凜然節既光垂虹蜺聲揚紫微早分頴
川二千石之符就秉天囿十三星之節據案叱吏笑比黃河清
開門賑飢功過中書考上久簡孟博登車之志公遂為勝之持
斧之行春風遍地而徃狂虛夜月當天而駐蹕伏載馳載驅維
騏維駱麻揮周咨來游來歌如圭如璋言觀肆覲其避影杜門

久矣不作山外想不圖元會之日上恩覃及流落界相讞於珠

玉之側虎鼠同器猿鶴笑人云云

回林司業應炎

某等之魏堂、於朝花院柳間追隨猶昨日事也玉烟劍氣
輒轉崢嶸杳然在碧雲崔嵬之外江月流水實照云、其官以
水補金井之心胸發黼黻火龍之光燄而又慥、乎言行皦、

若汲長孺若陸敬輿若慶曆元祐諸賢充公之為表裏

無愧領袖斯文旗翼元命天下以此望公者殆人、同

額王立以需之某自歸來乎山中俯仰半菽不復得與四方書

牘從事比從戶曹黃文得誨函草木同味玉雪照心欣懌之餘

感慨係之某蹠蹕之蹤何何為者大化驅之一節誤落湘雲避

之陳情俞音竟閱單車徬徨且此首涂行復求返吾屠羊而已
渺天一方重此懸泝專容陸續貢敬

回信豐羅宰子遠 名倚號澗谷

某去年聞雙鳧南上落空山不如燕雀之為有情也大化驅
人作江東客數月爬梳枵未見端倪會誤恩名環沔班過當
亡何狼狽而去蓋踈闊以來居多道路之日出處乖方滋可為
笑杜門息影中高情厚鎮撫之專介持書勞苦臨風馳感可
人天一方信豐山水色見謂讀書松竹畫影滿簾著吟人其
中所謂予方有公事此豈錢穀吏比耶勿需終更西清有詔壁
弟何為者赴新昌且百日商蛇馳河未知攸濟惠徼如天之福
寡過取數矣顛瑞皆佳色藹吉人鼎立空同貞一時之盛

當路或今舉所知某幸甚有以籍手薄言脩布小附芹心非

敢謂報稱筆參沚

某臘前函書往來庶幾契闊之意年光冉冉驚見雙壁蓋曾兄
季因專紀寔來仰惟同年長者所以惠綏荒寒皆可感也某
雲臥深山世意落一起一仆非人為之上天蓋高匪怒伊教
敬威念各安得不力執事昔為之助喜今亦有以救其不逮乎
敢請季函值儒者之窮執事以氣類遇合所以位置之者寵甚
萬間突士公將溥其施於一時所謂兆足以行矣某為之歛衽
新年喜兩燈前報命馳想一方臨紙悃

回羅子遠就賀除京權

某俯仰歲年甚知聞間頃知卷旆來歸衣錦有爛魚趣舍人裝

于、然東矣亟欲摩箋所思雲顏鶴倦不可拈拾竟隨夢寐外
時一動寥廓想江邊鷗鷺為之悵然忽得手書貴我空谷華衣
流離辟易久之共審帝闕出綸天京司轄姑養筮駕之印存傳
我勇之音伏惟驩慶明公契古胸襟吞雲夢者八九外物瑣々
遲速何心積之厚發之弘宇宙間華執清貫將次第而取之以
其時考之則過矣某風雨深山避影却走乃元會之日公朝以
一節起其流落回首三湘驚心蕉夢請隸香火香更趣行慈親
以遠役為憚進退維谷莫甚此時旦夕黽勉精命於軍騎之成
驅馳數旬乞身歸臥縣上同年有情不隔四海九州之遠毋金
玉尔音異一語以自壯拂拭過情非所敢當也對使驛馬猷
副箋

某一日既端拜敬謝芳題并報信豐簿攝粵之既二之日
謹遣介馳諸席間寅奉起居不敢繫敘首祈委鑒某昨歲入湘
後墮身微纏中詹沂宇下闕焉嗣音繼聞趣戒朝裝榮司京推
某念欲箋忱賀履以申風雲發軔之慶一春脣、行路浸墮因
循既抵空同後潼川趙同年來為縣實在河陽舊桃李處鴻
沙指瓜猶記東西所以告新者甚厚因得切諗脩門近况大帶
深衣長身玉立道德福澤方來而未艾也吾鄉諸老行輩落、
端然靈光惟今澗谷先生依星辰傍日月一日騎麟翳鳳朝闈
風夕玄圃執正順耳某初陰杏集素辱心期慕王陽之回車學
毛義之捧檄得郡山深俯仰半菽君師天地之造知已錫類之
餘也惟是求牧力綿未知攸淑回首菽蒂我愛桐鄉豈無一言

益其故人并寄父老因風東向頓首以請

與汪安撫立信 號紫源

其仰惟曠度絕人不作邊幅僕安得以書生刀尺從事高明幸
察之某昨者為高安受容受察於玉斧之下公不以衆人畜我
我實德公未幾公去之而僕亦以憂患連年臥山中蹤跡跋扈
不足為知心道也撫念江流人物如此未嘗不中夜耿々其茲
者伏審揚緡九陛建壽三湘人無異辭國有生氣共惟慶愜欽
以其官名高九牧氣蓋群公江左管夷吾是係英雄之望軍中
范老子能寒寇賊之心往者金湯中流忠績簡在上方以南事
為慮詔公方面隱然長城一代數人百年幾見公不得不力紀
勲旂常歸交廊廟自此等而上之某退在漁樵未忘整繕聞公

此亦為世道擊節偶逢黃君強立長沙使介率然上狀仰聞如
床強立名至道某昨嘗薦至館下強立每謂公以意氣動人能
使人不愛其軀其感激知己可見今茲適在異府後諸公遊公
不以生客視強立強立奉筆墨以佐大闡豈直一日之長而已
憑筆借越向風如馳

回前人

望五雲多處以驚劣下乘幸甚自託於禮樂之下風既奉儷
布報牘脩大闡府之敬廼不我後先使者銜命即之於深山
中翰墨陸離光動節屋拜而後敢讀已而亟拜居今天下論
人物一方一曲之士隨世以就功名謂之無益於成敗之數可
也當大方面建大將旗鼓使國有龍虎馬不敢南向其周公瑾

祖士稚之流乎天子召拜樞近修勞還故事以府且出節付以西北煩公辦此金戈凱馳歸袞廟堂作太平六典四海以此望公亦公志也某少也驅馳嘗有意事功雞鳴奮發壯懷固在然而亦少衰矣被旨行湘顛倒繡衣豈堪重著惟宿昔於門墻厚知已厚惠傲宇下恃此敢未適三月移卜先塋有山間之役受印之期尚在夏五竊聞四輩在道車馬有行色天始喪其一二見之機乎何為屢得之而屢失之也追憶前年自直廬汰歸公以書存問推許不薄海內時流得此於名公者正恐無幾今承獎翰益佩卷之江濤渺然事會何極何時執鞭寫此傾蓋某臨風無任馳泝之至

與胡都承穎 號石壁

某已端具儷積候敬籤房心之精微敢嗣陳之某於當代知名夙有取履結轍之願寄書梅外嘗寫我心遠道報襄如見顏色伏自牙齶卷零雨而還鴈闊湘深馳泝寥廓伏惟以任重道遠為心以難進易退為節魏堂卓然佩安危而繫輕重乃今聖哲馳騫上心焦然金城圖口師表微公孰與於斯追鋒在道不俟駕行矣某家畏壘山下麋鹿之與群而猿狖之為曹也公朝起其流落山衣易繡舊夢恍然一節走趨幸在通德里九轉寵靈輿用後某行當掃門以請拜狀梗際臨風卷之某一節出山指碧雲崔嵬八風吹不動處知為神龍臥洛所也前者幸甚脫屣堂下進瞻正寒適子之館授子之祭胸中經綸之奇傾倒敷露中夜慷慨音落九霄使人驚且喜今而後知宇

宙間未嘗無劉玄德輩某持以去响襟袖尚有萬文光此殆
未可與俗人言也某以疎決故一輩下長沙初約先拜見而後
往師垣下偶有牽制稍違息壤之舊今茲回掉潭濱將由便
道單車負荆門屏之外輒遣一介先道其私幸豫戒猿鶴勿
以爲驚焉身拒率然馳控倚卜面敘

慰饒州胡通判 石壁之姪

某茲者不圖先令叔某官石壁先生遽捐里館風馳上征哲人
云亡邦國殄瘁執事者骨肉至慟爲國受吊撫孤大誼定力
如山足可以對岳雲之崔嵬矣顧惟其落後出辱二阮之知
乃在一日之間老仙用意慷慨與之上下今古撫念人物袖中
瓣香僅拈出二再老仙所以命之者更在度外舉祠之音方
而化人之裾已不可追矣出聲慟哭悲不自持謹哀綴壹鬱涕

與安撫李大卿 號肯齋

具儂橫申敬記室私心梗槩不嫌齟齬其辱知愛門墻

一日之故風流雲散一別如雨每一念此神爽飛馳江劫一
明公當世人物卷韜山林四方願望其一出方時多艱縶緯
忘食然見王茂弘者固以爲江方有管夷吾某有計日以俟鋒
車耳其避影深山久不作馳驚想公朝念其流落昇節起家釋
繇上未而于征未知所以淑後幸甚區區之志趨實在中台之里
十年契闊一旦逢迎豈命物者開其親炙之機而惠顧之乎如

聞閉門謝客雅意絕塵然待故人固自有情猿鶴必不我拒相
望寢近幾泝如馳

回永州楊守履順 巨源之後

某尚論一世人物紫朱其綬唱呵車塵若是者駢育矣求其忠
義貫日月處漢賊危疑之間臨大節而不可奪至於殺賊奴取
累金印此事付度外豈不凜凜大丈夫哉父老謂傳百年間
吾見先大師一人而已某官鍾岷峨之秀嗣舜鼎之勲忠臣之
門天人之所共祐國士之器君相之所東知石崖齊天唐中興
頌功處也公來其間寧不感慨今蜀道難蜀道難公收拾群人
手揮天戈一節之還從甘棠刺策二頌旂常濯光于前聞人
其何幸身親見之歸隱空山望湘雲千里不圖使者遽涉吾
竟仰惟明公主張斯文經始棘院以相龍飛興賢之盛大張門
顏使某也得執事從君侯所以厚我不同他人小人雖無能為
後烏乎敢辭貢院二字僭易奉上進之退之惟命未諧握手往
來心聲庶幾古道之槩臨紙奉

回林侍郎卿孫 號雲屋 在臺時

某從望關山矯首五雲多處寢踈起居長沙少府傳仙惠書并
繳玕琳琅之翰仰惟緇衣宛變舌道顏色為之歆拜傳仙不肯
望然而來以書先訂出處此意亦頗謹重已遣禮聘之且告以
初筮如九層臺其須今堅壯可耐靜以待次不失雅道未知傳
仙何所嚮若某來訪敢不惟命戒之共

回前知衡州楊秘監文仲

其已端飭儷積致敬心之精微不嫌齟齬首祈垂憫其於足下
非敢以氣類詭流俗之蹤尚想疇昔載色載笑相遇不同他人
至今歷：在夢時方孔艱荆吳多壘坐廟朝籌帷幄折衝俎豆
正張趙韓范之事業湘水以西勤勞一障天子曰歸借徑斯文
本色俾執事樞歎見之晚其閉關念咎不復作馳騫想公朝出
節誤及荒濱回顧黔驢身對湘鴈趣命且放單車于役稍盡君
親之誼即尋香火之緣銜雲照人垂執鞭弭乃天上笙鶴不復
顧雞犬矣所恃襟期有素且未忘甘棠則其居中庇之誨之其
與蒸湘之人均賴焉昂首慶雲伏楮耿切

與劉尚書徽

某夜拜文昌朝馳函敬感激靈三不嫌齟齬首祈穹采其庚午

待罪底班望英躔萬丈於絲綸闕天章潤色衣被青黃雋水味
言稱於天下曰知己歸伏山阿分霄壤絕不敢以世俗書尺俟
主進吏熏香宣夜北斗以南共惟其宮文章稷言而皋謨器度
商彝弁而周鼎陶鎔帝皇軫軫造化燭六合蕩八垓吾道之福布
濩流衍翠幄青瑣之後容文劔紫荷之凌厲由八座而間兩社
使天下再見希文雅圭之風流其嘉與人士旦：稽首某孤落
之蹤一意返哺夢寐不到山外公朝未忍捐棄杖拭而起之復
令效湘節牛馬走煙霄流眄不進不止蓋疇昔之盛心未愆也
其始以私養巧閑廩天高聽邈且趣之再奉明命以趨一之日
甫履回鴈布宣德意唯謹湘人尚力抵氣味俗輕生蘇息而調
服之既竭吾力焉垂天之雲覆復霽其上訖濟我後某為之夙夜

顏言因謝有祈臨風悃結

與陳察院文龍 號如心

某夙在眷知屢歲契闊杓祭奎明經緯碧落曉夕詹馳伏惟執事以光明俊偉之胸負法家拂士之望鳳鳴朝陽萬物吐氣羶厦密勿熙明日新陸勢處中汲黯居禁精神強而本根充外難不足平也上方屬以經濟俾執事樞其歷落之蹤豈堪使事公朝不忍終棄盡出嘘揚始以私計不使迎侍冒干閑廩趣旨且放單車于後以五月一日受印司存既見父老具宣上德意然究猶相挺山凋水瘵扶持調習庶幾一日非晚且再陳情為歸養計俟誰在矣張仲孝友儷語循比藉手不足以當劔首之一決臨楮無任

某輒有稟瀆其昔者以臬敗由書生本色只當在斯文一邊不應以刑獄為職故凡寬厚惻怛處人皆由之而不知其有不可以誣令甲者則譁然以為過當所處非其位故也自後諸公速有論列皆不實知其人不過以前疏潤色而為之辭其常願一日有以自見於天下使知吾所謂衡氣機者而未易遂也今年交陰憲實負不願就丐祠不遂銳欲再請又念起自廢閑豈當童項已甚故且黽勉驅馳亦謂姑以平處之可也既入竟乃知湖南風俗大不然某若以身事懲創靡然風采懼無以肅一路觀聽又坐失職故初至不免見之榜揭謹錄本以達台覽夫如此初未嘗有嚴厲之事特示之以警戒之意蓋於職分不得不然才作此差遺便是惡滋味兩日刷具一路獄案數目甚

多莫非劫掠嘯聚等事他時審覆既圓皆不容付之輕典某且獨奈何哉其此來不及侍親處此亦大不安俟踈決後惟有乞身歸養所恃知已肝膽相照臨書不憚傾倒念其久要其必有以教之嚮風卷之之至

與鄧校勘林

某頃繇春中走赫號闖輦下知上徹五雲閣久矣一節奔走行後曠馬嗣音矯首河漢盈一水其蒙賴如天之庇以孟夏八日辭膝下五月朔吉受印於衡陽初見吏民既宣上德意退坐棘木塵中與徽纒相尔汝為之弊焉江去湖不甚相遠始者殊不諗其風氣之悉至此始知尚力抵氣以血人為媿九城一波莫障其瀾某以為怒之而不教非古祥刑意也見諸榜揭嚴而不為殘楚人亦頗為動悟其肯綮中也然某以書生為之非其本色不諒者衆此十年所以有申韓之謗以至于今日是安得而忘吹葦之想乎且重闈以老不得就養單車徬徨雲舍切切旦夕踈決後且即丐還屠羊使叱馭回車於君親兩不為失此其所以謝夙昔君子之教而庶幾乎年盟之盛心也厚德錫頌某惠徼福于宇下盖方新焉偶逢使武亟詞起居且叙其所以跛躄馳驅者遙對清切臨楮泝詹

與陳直院維善

名合號中山

某前睇紫霄寅致儷攢心之精微敢嗣陳之某昨承鵲袍出使駟騎歸班嘗領廬山下所賜手書光氣垂虹下照空谷撫歲年而如雨恍河漢之一水也中山先生文運斤而成風氣振策而

奔電元龍湖海突元宇宙支架明堂曲措萬文光芒緯國典華
帝制天下固以為未也大明奎壁晉執事樞使士者顯之欲仲
淹弼一夔一卨某落之青山自返吾哺公朝未忍捐棄界之一
節使與衡鴈相周遭草木吾味一引手馮翼之端出緇好某始
以私計求閑廩聖恩閱俞且趣之載道遂以朔日見吏民宣德
意然變之俗尚力抵氣殺人為嬉撫存而調習之未易為力明公
宿昔塞惟棠陰如屋五雲緯霄影落衡杜某為之夙夜頓首
因謝有祈臨風依邈

某頃侍親抵郡輒持尺素專貢其清懷今雨之綢繆望下風而
慷慨也壁弟來京師拜表于之門黃河泰華天下鉅麗之觀壘
也所遇多矣今天下稱文章大手筆落之可數平園西山諸老

之風流散在三光五岳間日月磅礴河漢經緯其紫微公嘗當
之南州之上僕將帥以聽其讀書涉獵筆墨空疎方青山蕭蕭
然水上之風猶若意會一行作吏此事便廢間於故牘中極
拾親之長之之說見於行事迹來千里民氣覺稍洽和書生不
知向方能終不迂闊於事否昔人云未識意先感水火流燥記
吾味久矣教思無窮勿替引之其豈勝愧

與魯縣尉先之 字孟參

某自前拜書後回首鴈峰不勝拳之水口吳權寨來及承手書
簡見繾綣故舊之意百單二歲之姥孟參發揚之安序表音之
真足以為衡陽一段佳話某六月朔日祖母初度亦及與一城老
者相周旋人生七十古來稀是以自七十為始千數百名中其

最高者為九十六延此母於堂進趨語言殊覺不衰惜未有過
百者鄉間有羅提幹存叟祖母去歲滿一百歲其嘗借朋友十
餘人往拜之當時有詩歌成軸今年又百有四矣此是大家諸
孫以儒者提幹登科有福有壽又非衡如比劉守却未知某旦
夕亦當為文以白之顏斗絕與湘問久相隔適有自建昌來者
云五月二日廖恕齋過建昌知五月末主人到臺觀上矣司存事
首尾閑繫無如孟參在恕齋必不能相合安序權事半年添此
繁劇想一旦釋重負甚以為喜某於賀恕齋書早已備道孟參
一段人將爭出我門下此自無說但願足下斂以靜鈍守以廉
朴一如平日則天下之奇材青雲之遠業也顏事稍簡親老以
下俱安平亶出雲底但有疲於筆櫛以一人之寡應四方之多

覺甚苦之鄉人相過者隨分處之亦不至甚相炒中間只一榜
禁假託大者歸之臺小者聽之縣或以為得體顏只有出甲一
項未易杜絕今春此輩在廣聞某新上皆急於歸就保伍乘
其畏向之機近日未免先事論既度今冬可得安靖湘中既
獲諸渠魁後想道州一帶已無事湘鄉諸處狡攘之風當是
久已帖息茲因專介信筆傾倒薄芹并瀆向風如馳

與曾架閣

其曠不奉狀者累月杜門山居無由四方上下以相從於顧盼
咳唾之末馳仰中得會李文復卿庶知起居之詳甚慰子曰苟
患失之無所不至百千年間天地不位萬物不育推尋其咎常
於患失之私基之閣下出其浩然之蓄田積與當世之大人論成

敗爭曲直言不合艱然竟公榮途引於前禍機休於後而毅然
不變由閣下自處則本心為事也自惴惴持固者觀之則豈不
患此失哉歐公所謂我輩中人敬歎敬歎因復卿歸并介以有
請先通判託孤於先侍郎先侍郎以其責歸之架閣事至重也
執事不以某弟為不穎使臣名門講好以來涉四年矣中間歲
月雖多機會甚少以故告出吉禮猶切遲之獨至今日則造物
若有巧於其間者執事當驅馳江淮而某赴闕就道執事卷風
雲蔽林壑而某恰亦骭髀來歸兩家初意誠不期有此暇也某
方尋香火之緣自分閑散而執事氣宇蓋諸公名聲動中朝扶
搖九霄匪蚤伊莫則川駛月流舟飛岸奔非復有此之暇執事
終先子之託而某了同氣之責今其時乎區區肺肝已具告之

復卿并疏其事與以闕徹幸執事終惠之

回吉守王提舉必 號敬岩

某僻居林薄間望旌麾所蒞遠在霄漢道德朝望蔚乎輝光
可仰而不可親是其分也迺蒙寵戒今有間教之便忻快何如
入冬暄寒相薄適有采薪之憂莫醜隆厚滋負皇恐謹具狀
謝他容參謁并叙區區

與廬陵龔知縣日昇 號竹鄉

自螺水而東望西山廬阜與三江五湖如拱揖知蜿蜒扶輿有
名勝宅其間相去蓬弱良覲差池北斗芒耀徒耿々心目爾不
自意桑梓幸會牛刀大手姑為此試共惟明和介潔之譽此邑
不占已孚跂予望之艱難之秋得君子之政與拜壽復之既滌

篆云倣未能躬闔賀庭謹具劄子代布忱悃非晚當圖稟謝
不敏

與贛縣許權縣

惟廬陵與安成為比郡山川同在吉志今茲遂得自附於鄉黨
之末幸甚休甚其往者於諸公間得聞政事一二有司敬謹莫
重於獄後世苟簡幾以民命為戲濂溪為小官不肯殺人以奉
其上東坡謂今人爭減半年磨勘雖殺人亦為之聖賢愚不肖
之用心其異如此頗傳廉明與同州推官事前後照映辱在同
里與切增氣銅章墨綬貴上空同一同風化姑此相屬奏最匪
伊騰太清凌扶搖錢公之步武也其疇昔學技曾於名門子姪
畧有相知者獨絢履末光未有下拜之日其如傾企何適陳文

成甫來以為託身桃李之國輒拜此以識倦陳文并乞公庇
也率然上狀未繇參侍仍冀自愛不貲之寶以須速至

賀劉敬德補入太學 名欽號絜矩

茲密捷來南浦聲振西雍才名三十年說屠龍之老手冠帶意
萬計快走馬之脩程儒業有開士論稱服共惟驩慶其相期半
生聞榜折屐無繇造慶謹奉頌函之楮二百千敬為搗捷之助
不腆皇恐臨風馳泝

賀鍾有謙補入大學 名山甫

茲審水闡獻藝云壁水蜚聲月旦評中說八叉之老手朝雲飛
處艷三合之脩名 下同

與周德甫 為季弟從弟聘

某比者牽率朝從，稍過兩日夜，陪接議論之末，極慰翹企，獨恨去之匆、未遑屬饜耳。中間妄欲以二弟相累，陶冶荷不鄙棄，許之以相周旋，甚幸甚休。鄰敵相交，則有盟市道相質，則有券。吾徒相與一諾已足，政不在要約區也。然君子義以為質，禮以行之，幸郊之幣際可而幡然，雖虞人之微，非其招不往。非義無以將禮，非禮無以昭義。交際之道，不以節文將之，終必有弊。况為弟子擇師乎？此書之所以不敢廢也。歲禮之數，息壤在前，無俟贅述。官楮一百貫，願人送上，以少將聘致之敬，告幸。曆頓小弟差劣，不可大脫。鈔束燈前後早賜垂訪，乃所願望。觀德聽教，行有日矣。尚及傾倒其餘。

聖